



Nudol dem aultap

Nyelik ke midafa estobara. Koe Lentefa Amerika, lan nudol dem aultap (*Clangula hyemalis*) koe dona tisyuyafa vas 55 ok dace 60 metre zo onayad !

Nekev lumam, bata nudolinla tir an estobasik ke zverieem ke naelafa lenteka. TIRE wale 15 is 28 metre va int belapon gilevlavekar aze arti loon tanoyax wexa dimgepoyter. Balte lani amidapafi zveripi koe mid loedje rodetiskid voxo va int leeke vanludevad. Bak estobara, nudol dem aultap kan inieem pujer ; neke kan wilteem vion tegulan dere malsaver, is kan ault stoken ta ape milbavara is vodjura. Va tolmomartaf tulwadunol (gerlanteke is xumiz is benevot ikz-) is tulam is aboka mo ludev gralomer. Inafa malestura dalon sotir kum pinapaf sulem ; tulon va 1700 tulwadunol abrotcaf vas leon sanoye deciteemetre koe uvoona ke lan nudol dem aultap trasiyit !

Abrotce : 40 - 57 cm- (don ault)
Aldo : 600 - 1000 g-
Wiltade : 72 cm-



Talson, tolona dem nudol dem aultap ton fentugalaf bruxeem. Gralometeson va kibay, zverye (isteon) estobar aze kal wina (roneon) vianmae anyone nudolye pokenon talsoe tapujer.



Bata nudolinla gilir eyafa vaxeon bak cvarupal ise ton yonakam vas dile 50 zveri gillamer. Voxeri xuton gu fentugalafa katinarapa, koe Balta bira 350 000 nudol dace zo palayasi.



Talson, nudolye gu aultap (ticeon is theon) zo pilkomodar, solve nudolya (isteon) vas anyona nudolinla vektackar. Nudol dem aultap tir kallapaf vas 85 ik 115 decitmetre fuxe barbiv.

Tijiso pokenon tourkama ok ujvixa, atoxo ke nudol dem aultap tir suxoma seruyuna koe werd ik tij. Bak teveksat ok pereksat, nudolya vas 5 ik 9 ato (dem anamefa sona kum betrafafa sayax) atoar aze ant remi 24 viel di cvor.



Cadimafa ksevarura ke nudolye tid demackafa. Talteon zveri va fentugalaf bruxeem dir ; roneon va tel itulupafaf. Buruca ke alufaf pakava tsu orkafaf nise tr volido kare taka ok lani altoko. Ticeon, pintara va taka.

